

Hero production ehf.  
Súðarvogur 7  
104 Reykjavík

Reykjavík, 19. ágúst 2021  
UST202107-241/Þ.V.B.  
09.06.01

## **Umsókn um leyfi til kvikmyndatöku og drónaflugs- Gullfoss - Hveradalir - Friðland að Fjallabaki**

Umhverfisstofnun hefur móttengið umsókn Hero production ehf., dagsett 23. júlí 2021, um leyfi til kvikmyndatöku og drónaflugs við Gullfoss, í Kerlingarfjöllum og innan friðlands að Fjallabaki.

Friðlandið að Fjallabaki er friðlýst sem sbr. auglýsing nr. 354/1979. Mannvirkjagerð, efnistaka og annað jarðrask innan friðlandsins er óheimilt nema með leyfi Umhverfisstofnunar. Óheimilt er að skemma gróður, trufla dýralíf að óþörfu og hrófla við bergmyndunum. För hesta er aðeins heimil á merktum reiðslóðum og afmörkuðum áningarstöðum. Óheimilt er að beita hestum í Landmannalaugum og annars staðar þar sem Umhverfisstofnun kann að ákveða. Samkvæmt stjórnunar- og verndaráætlun friðlandsins er kvikmyndataka, ljósmyndun og viðburðir sem hafa í för með sér hættu á jarðraski, truflun dýralífs, umferðar eða upplifun annarra gesta er háð leyfi Umhverfisstofnunar. Óheimilt er að fljúga fjarstýrðum loftförum (dróna) innan friðlandsins á tímabilinu 15. júní – 15. september nema að fengnu leyfi Umhverfisstofnunar.

Gullfoss er friðlýstur sem friðland sbr. auglýsing nr. 141/1979. Óheimilt er að skerða gróður, trufla dýralíf og skemma jarðmyndanir nema með leyfi Umhverfisstofnunar. Samkvæmt stjórnunar- og verndaráætlun friðlandsins er flug ómannaðra loftfara óheimilt á svæðinu nema með leyfi Umhverfisstofnunar.

Kerlingarfjöll eru friðlýst sem landslagsverndarsvæði sbr. auglýsing nr. 822/2020. Aðrar rannsóknir en rannsóknir Náttúrufræðistofnunar Íslands og Minjastofnunar Íslands eru háðar leyfi Umhverfisstofnunar. Óheimilt er að valda spjöllum á landslagi svæðisins. Framkvæmdir skulu ekki hafa afgerandi áhrif á ásýnd svæðisins og mannvirki skulu falla sem best að svipmóti lands. Allt rask á jarðminjum er óheimilt innan verndarsvæðisins, nema með sérstöku leyfi. Óheimilt er að raska hverum og öðrum uppsprettum á svæðinu. Óheimilt er að hafa áhrif á lífríki sem tengist hverum og öðrum heitum uppsprettum nema með leyfi. Framkvæmdir á verndarsvæðinu eru háðar leyfi Umhverfisstofnunar. Óheimilt er að reka atvinnutengda starfsemi á svæðinu án samnings um slíka starfsemi við Umhverfisstofnun og viðkomandi sveitarfélag. Afla skal leyfis Umhverfisstofnunar vegna skipulagðra viðburða og verkefna sem kalla á aðstöðu, mannafla eða meðferð tækja innan verndarsvæðisins, s.s. vegna kvikmyndagerðar, listviðburða og samkomuhalds.

### ***Lýsing verkefnis:***

Til stendur að mynda mann sem gengur eftir göngustígum á svæðunum, skoða það sem þar er að finna og ræða um það. Við Gullfoss færu tökur fram 24. ágúst, hluta dags. Í Hveradölum í Kerlingafjöllum færu tökur fram 25.-26. ágúst. Á Fjallabaki færu tökur fram 26. ágúst á 5 stöðum innan friðlandsins. Ekki er gert ráð fyrir löngum flugtíma á hverjum stað. Kort sem sýnir þau svæði sem fljúga á drónanum yfir og upplýsingar um flugtíma og flughæð fylgdi með umsókn. Að tókunum koma 19 manns á 5-6 jeppum og 1-2 litlum sendibifreiðum.

### ***Áhrifamat:***

Umhverfisstofnun metur að verkefnið geti farið fram, enda er tryggt að það hafi engin áhrif á verndargildi svæðisins. Einnig er ólíklegt að það hafi áhrif á upplifun annarra gesta á meðan tókum stendur, svo lengi sem skilyrðum leyfisins verði fylgt.

### ***Skilyrði:***

Umhverfisstofnun veitir Hero production ehf. fyrir sitt leyti leyfi fyrir kvikmyndatöku og drónaflugi við Gullfoss, innan friðlandsins á Fjallabaki og í Kerlingafjöllum sbr. lýsingu hér að ofan 24.-26. ágúst 2021 að uppfylltum eftirfarandi skilyrðum:

- **Halda flugtíma dróna í lágmarki og fljúga honum fjarri öðrum gestum á svæðinu.**
- **Starfsmenn verkefnis skulu halda sig innan þeirra stíga sem á svæðinu eru.**
- **Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.**
- **Aðstöðubíll og tækjabíll skal ekki lagt utan vega eða bílastæða. Einnig skulu tæki ekki hafa áhrif á umferð um svæðið.**
- **Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.**
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Einungis skal gengið eftir merktum göngustígum og óheimilt er að fara inn á lokuð svæði.
- Virða skal umgengnisreglur sem gilda um svæðið.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Kvikmyndatökuliðið skal sýna öðrum gestum svæðisins tillitssemi og tryggja að tókurnar valdi eins litlu ónæði og hægt er.
- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Umhverfisstofnunar hafi fengist fyrir kvikmyndatökunni innan hins friðlýsta svæðis.
- Allur akstur utan vega er bannaður.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.
- Aldrei skal að fljúga ómönnuðu loftfari í nágrenni og yfir fólki og forðast skal að trufla friðsæld svæðisins og upplifun gesta, öryggi þeirra og persónuvernd eins og hægt er.

- Aldrei skal fljúga ómönnuðu loftfari nálægt dýrum eða fuglum, hvorki nálægt hreiðrum né á varptíma eða á þeim tíma sem telst viðkvæmur fyrir dýr og fugla.
- Flugtíma skal haldið í lágmarki og það skal fara fram utan þess tíma sem flestir gestir eru á svæðinu.
- Ef drónaflugið hefur truflandi áhrif á fugla- og/eða dýralífið skal því hætt samstundis.
- Stjórnandi/eigandi hins ómannaða loftfars ber ábyrgð á loftfarinu á svæðinu, að það skaði ekki fólk, dýralíf, eða náttúruna og það skilji ekki eftir sig varanleg ummerki á neinn hátt. Ekki skal skilja eftir hluta loftfarsins á svæðinu heldur finna og endurheimta loftfarið og alla hluta þess ef það brotlendir eða bilar.
- Af öryggisástæðum skal sá sem stjórnar ómönnuðu loftfari klæðast merktum fatnaði svo hægt sé að auðkenna viðkomandi.

Umhverfisstofnun mælist til þess að taka skuli á loft og lenda ómönnuðu loftfari í öruggri fjarlægð frá gestum svæðisins skv. reglugerð um ómönnuð loftför nr. 990/2017

Að öðru leyti skal haga flugi ómannaðra loftfari í samræmi við reglugerð nr. 990/2017, um starfrækslu fjarstýrðra loftfara.

Umhverfisstofnun bendir á að dróna sem notaðir eru í atvinnuskyni þarf að skrá sérstaklega hjá Samgöngustofu.

Leyfi landeigenda og/eða sveitarfélags gæti þurft fyrir verkefninu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

**Leyfisgjald:**

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um kvikmyndagerð og/eða ljósmyndatöku er kr. 52.600.- sbr. 24. gr. b. gjaldskrá Umhverfisstofnunar nr. 535/2015.

Virðingarfyllst

Þórdís Björt Sigþórsdóttir  
Teymisstjóri  
Daníel Freyr Jónsson  
sérfræðingur